

卷之二

古文苑卷第三

賦

夢賦

王延壽



臣弱冠嘗夜寢見鬼物與臣戰遂得東方朔與
臣作罵鬼之書臣遂作賦一篇叙夢後人夢者
讀誦以却鬼數數有驗臣不敢蔽其詞曰

余宵夜寢息乃忽有非常之夢其為夢也悉觀

鬼物之變恠則有蛇頭而四角魚尾一作首而鳥

身或三足而六眼龍形而似人羣行而奮搖忽

來到吾前伸臂而舞手意欲相引牽於是夢中

夢賦

驚怒膈臆紛紜曰吾含天地之淳和何妖孽之
 敢臻尔乃揮手振奮一作奮拳雷發電舒前游光斬
 猛猪一作曉批黠毅斫魅虛捐魍魎拂諸渠撞縱
 目打三顱撲茗蕘扶夔矍茗蕘一作魍魎搏一作暉現睨
 蹴睢盱剖列蹙掣羯孽剗尖鼻踏赤舌挈傖甓
 揮髯鬚於是手足俱中捷獵摧拉澎淖跌抗措
 倒批笞強梁捶捋劇拔撩予揔搥黠施顛顛一作顏
 躑抨橙軋於是群邪衆魅駭擾遑遽煥衍叛散
 乍留乍去變形形瞪眄顧望猶豫吾於是更奮竒
 譎脉捧獲噴扼撓峴撻扼一作振咿嘍批搥嘖於是

三三四四相隨佯傍而歷僻確確磕磕揜齊亥
一作精布言言譽譽一作譽鬼敬馬魅怖或盤跚而
 欲走或拘攣手而不能步或中瘡而宛轉奄霏霧消
 而光散寂不知其何故嗟妖邪之恠物敢干真
 人之正度耳啣嘈而外朗忽屈申而覺寤於是
 雞知天曙而奮羽忽嘈然而自鳴鬼聞之以迸
 走心惴怖而皆驚亂曰齊栢夢物而以霸兮武
 丁夜感得賢佐兮周夢九齡年克百兮晉文監
 腦國以竟一作競兮老子役鬼為神將兮轉禍為
 福永無恙兮

王孫賦

王延壽

原天地之造化實神偉以屈竒道玄微以密妙
 信無物而不為有王孫之狡獸形陋觀而醜儀
 顏狀類乎老公軀體似乎小兒眼眶隅以耽一作
 眈卹視職睫以映瞳突高匡而曲頰環一作嬰
 呼一作歷一作切歷而墮離鼻鞋鞣以鞞鞅目聿役以啗
 知口嗛呻以齡一作齧一作齧脣敝啣以腴胤齒崖崖
 以齧齧嚼咍咍而聶兒儲糧食於兩頰稍委輸
 於胃脾蹇兔蹲而猪一作狗距聲歷鹿而喔咿或
 聶聶而噉噉又啗一作啗而若啼姿僭僂而抵

一作揔 贛豁盱閱以瑣一作頸 醯醢一作醢 晚貽眈而覽

賜既眈眈而跋斐生深山之茂林處蘄巖之嶽
 崎性獠獷以獠疾態峯出而橫施緣百仞之高
 木攀窈窕之長枝背牢落之峻壑臨不測之幽
 溪尋柯條以宛轉或捉腐而登危若將頽而復
 著紛絀絀以陸離或羣跳而電透了一作瓜懸
 而瓠垂上觸手而挈攬下值一作對足而登跖手
 攀攬以狂接曼條呻而電走將一作寥遼落以蕭
 索乍睥睨以容與或躡一作躡躡以跳迸又咨嘔
 而攢聚扶欽崙以棟一作椽椽躡危臬而騰舞忽

踊逸而輕迅，羌難得而覩。縷同甘苦於人類，好
鋪糟以歠醪。乃置酒於其側，競爭飲而踴馳顛。
陋酌以迷醉，矇眊眠睡而無知。斬足拏髮，一作以縫
縛遂纓絡而羈縻。歸鑱繫於庭廡，觀者吸呷。一作
呷而忘疲。

漢津賦

蔡邕

夫何大川之浩兮，洪流淼以玄清。配名位乎天
漢，披厚土而載形。登源自乎蟠冢，引漾澧而東
征。納陽谷之所吐兮，兼漢沔之殊名。揔畎澮之
群液，演西土之陰精。遇萬山以左迴兮，旋襄陽
而南縈。切大別之東山兮，與江湘乎通靈。嘉清
源之勢力，體澹澶浚。浚以安流，鱗甲育其萬類。蛟
龍集以嬉遊，明珠胎于靈蚌。兮夜光潛乎玄洲，
雜神寶其充盈。兮豈魚龜之足收。

短人賦

侏儒短人，焦僥之後。出自外域，戎狄別種。去俗
歸義，慕化企踵。遂在中國，形貌有部。名之侏儒，
生則象父。唯有晏子在齊，辨勇匡景。拒崔加刃，
不恐其餘。廷么劣厥，僂窶嘖嘖。怒語與人相拒，
矇昧嗜酒。喜索罰舉，醉則揚聲。罵詈恣口，衆人

患忌難與共侶是以陳賦引譬比偶皆得形象
誠如所語詞曰雄荆鷄兮鶩鷺鷓鴣雛兮鷓
鷗雌冠戴勝兮啄木兒觀短人兮形若斯熱地
蝗兮蘆即且子如切蘭中踊兮蚕蠕湏上音而視短
人兮形若斯木門閫兮梁上柱斲鑿頭兮斷柯
斧鞞鞞鼓兮補履撲脫柄椎兮擣薤杵視短人
兮形如許

青衣賦

金生砂礫珠出蚌泥歎茲窈窕散在卑微盼倩
倣儷皓齒蛾眉縱橫接髮葉如低葵綺袖丹裳
躡蹈絲扉盤跚蹶蹶坐起低昂和暢善笑動揚
朱唇都冶武媚卓躒多姿精惠小心趨事如飛
中饋裁割莫能雙追關雎之潔不陷邪非察其
所履世之鮮希宜作夫人為衆女師伊何尔命
在此賤微代無樊姬楚莊晉妃感昔鄭季平陽
是私故因楊國歷尔邦畿雖得嫵婉舒寫情懷
寒雪繽紛充庭盈階兼裳累鎮展轉倒頽昫昕
將曙鷄鳴相催飾駕趣嚴將舍爾乖矇冒矇冒
思不可排

筆賦

惟其翰之所生于季冬之狡兔性精亟以慄悍
體遒迅以騁步削文竹以爲管加漆絲之纏束
形調搏以直端染玄墨以定色書乾坤之陰陽
讚宓皇之洪勲盡五帝之休德揚蕩蕩之明文
紀三皇之功代考表八百之肆覲傳六經而綴
百代考建皇極而序彝倫綜人倫於曖昧考贊
幽冥於明神象類多喻靡施不協上剛下柔乾
坤位也新故代謝四時次也圓和正直規矩極
也玄首黃管天地色也

協和昏賦

惟情性之至好歡莫偉乎夫婦受精靈之造化
固神明之所使事深微以玄妙實人倫之所始
考遂初之原本覽陰陽之綱紀乾坤和其剛柔
艮兌感其晦腓葛覃恐其失時標梅求其庶士
唯休和之盛代男女德乎年齒婚姻協而莫違
播欣欣之繁祉良辰旣至昏禮已舉二族崇飾
威儀有序嘉賓僚黨祁祁雲聚車服照路驂駢
如舉旣臻門屏結軌下車阿傳御堅鴈行蹉跎
麗女盛飾曄如春華

琴賦

清聲發兮五音舉韻宮商兮動徵羽曲引興兮
繁絲撫然後哀聲既發祕弄乃開左手抑揚右
手徘徊抵掌反復抑按藏摧於是繁絃既抑雅
韻乃揚仲尼思歸鹿鳴三章梁甫悲吟周公越
裳青雀西飛別鶴東翔飲馬長城楚曲明光走
獸率舞飛鳥下翔感激絃歌一低一昂

胡栗賦

樹遐方之嘉木兮于靈宇之前庭通二門以征
行兮夾堦除而列生彌霜雪之不彫兮當春夏
而滋榮因本心以誕節兮凝育璧木之綠英形猗
猗以艷茂兮似翠玉之清明

柳賦

覽竝樹之豐茂紛旖旎以脩長枝扶踈而覃布
莖慘捎以奮揚人情藏於舊物心惆悵以增慮
行游目而廣望觀城壘之故處悟元正之語言
信斯難而存懼嘉甘棠之不伐畏敢累於此樹
苟遠跡而退之豈駕馳而不屢

述行賦

余有行于京洛遭淫雨之經時途迤邐其蹇連
潦汙滯而爲災聊弘慮以存古宣幽情而屬辭

行游目以南望覽太室之威靈顧大河于北垠
觀洛汭之始并率陵阿以登降赴偃師而精勤
壯田橫之奉首義二士之夾墳

彈碁賦

榮華灼爍萼不韡韡於是列象雕華逞麗豐腹
歛邊中隱四企輕利調博易使馳騁然後我掣
兵綦夸驚或風飄波動若飛若浮不遲不疾如
行如留放一弊六功無與儔

溫泉賦

余適驪山觀溫泉浴神井美洪澤之普施乃爲
賦云陽春之月百草萋萋余在遠行顧望有懷
遂適驪山觀溫泉浴神井風物巒壯厥類之獨
美思在化之所原覽中域之珍恠無斯水之神
靈控湯泉乎瀛洲濯日月乎中營蔭高山之北
廷處幽屏以間清於是殊方跋一作交涉駿奔來
臻士女暱其鱗萃紛雜還其如網亂曰天地之
德莫若生兮帝育蒸人恣厥成兮六氣滛錯有
疾癘兮溫泉汨焉以流穢兮蠲除苛慝服中正
兮熙哉帝載保性命兮

誚青衣賦

彼何人斯悅此艷姿麗辭美譽雅句斐斐文則
可佳志卑意微鳳兮鳳兮何德之衰高岡可華
何必棘茨醴泉可飲何必洿池隋珠彈雀堂溪
刈葵鴛鷺啄鼠何異乎鳴歷觀古今禍福之階
多由孽妾淫妻書戒牝鷄詩載哲婦三代之季
皆由斯起晉獲驪戎斃懷恭子有夏取仍覆宗
絕祀叔肱納申听聲狼似穆子私庚豎牛餒已
黃歇之敗從李園始魯受齊樂仲尼逝矣文公
懷安姜笑其鄙周漸將衰康王晏起畢公喟然
深思古道感彼關雎性不雙侶願得周公妃以

窈窕防微消漸諷諭君父孔氏大之列冠篇首
晏嬰潔志不顧景女乃雋不疑奉霍不受見尊
不迷况此麗豎三族无紀綢繆不序蟹行索妃
旁行求偶昏無媒理宗廟無主門戶不名依其
在所生女爲妾生男爲虜歲時酌祀詣其先祖
或於馬廐厨間竈下東向長跪接狎觴酒悉請
諸靈僻邪無主多乞少出銅丸鐵柱積繒累億
皆來集聚嫡婉歡心各有先後臧獲之類盖不
足數古之贅媵尚猶塵垢况明智者欲作奴父

羽獵賦

皇上感天威之溥烈思太昊之觀虞表林麓而
廓萊藪剪荆梓而夷榛株於是鳳凰獻歷太僕
駕具蚩尤先驅兩師清路山靈護陣方神蹕御
羲和奉轡弭節西征翠蓋葳蕤鸞駕玲瓏山谷
爲之淡泊丘陵爲之歛傾於是皇輿綢繆遷延
容與抗天津於伊路夏遙集乎南圃大詔獠者
競逐長驅輕車颺厲羽騎電駑合雲集波流雨
馬蹂麋鹿輪麟狐兔弓不妄彎矢不虛舉鳥驚
往羅獸矢遇

觀舞賦

客有觀舞於淮南者美而賦之曰

音樂陳兮旨酒施擊靈鼓兮吹參差叛淫衍兮
漫陸離於是飲者皆醉日亦旣具美人興而將
舞乃修容而改服襲羅縠之雜錯申綢繆而自
飾拊者啾其齊列盤鼓煥以駢羅抗脩袖以翳
面展清聲而長歌歌曰驚雄遊兮孤雌翔臨歸
風兮思故鄉搦纖腰以互折嫫傾倚兮低昂增
芙蓉之紅華兮光灼爍以發揚騰嫵目以顧眄
盼爛爛以流光連翩絡繹乍續乍絕裾似飛鸞
袖如迴雪於是粉黛弛兮玉質粲珠簪挺兮緇

髮亂然後飾筭整髮被織垂縈同服駢奏合體
齊聲進退無差若影追形

終南山賦

伊彼終南巋巖嶙困槩青宮觸紫宸嶽岌鬱律
萃于霞芬曖暉晦靄若鬼若神傍吐飛瀨上挺
脩林立泉落落密陰沉沉榮期綺季此焉恬心
三春之季孟夏之初天氣肅清周覽八隅皇鸞
鸞鷲驚言乃前驅尔其珍恠碧玉挺其阿密房
溜其巔翔鳳哀鳴集其上清水泌流注其前
彭祖宅以蟬脫安期饗以延年唯至德之爲美
我皇應福以來臻掃神壇以告誠薦珍馨以祈
仙嗟茲介福永終億年

浮淮賦

魏文帝

建安十四年王師自譙東征大興水運浮舟萬
艘時余從行始入淮口行泊東山覩師徒觀旌
帆赫哉盛矣雖孝武盛唐之狩舳艫千里殆不
過也乃作斯賦云

沂淮水而南邁兮泛洪濤之湟波仰巖岡之崇
阻兮經東山之曲阿浮飛舟之萬艘兮建干將
之銛戈揚雲旗之繽紛兮聆榜人之謹譁乃撞

金鍾爰伐雷鼓白旄冲天黃越扈扈武將奮發
驍騎赫怒

又浮淮賦

王粲

從王師以南征兮浮淮水而遐逝背渦浦之曲
流兮望馬丘之高溼泛洪槽于中潮兮飛輕舟
乎濱濟建衆檣以成林兮譬無山之樹藝於是
迅風興濤鉦鼓若雷旌麾翳日飛雲天回蒼鷹鳥
飄逸遞相競軼凌驚波以高騫馳駭浪波而赴
質加舟徒之巧極美榜人之閑疾白日未移前
驅已屆群帥按部左右就隊軸轡千里名卒億
計運竝威以赫怒清海隅之蕪芥濟元勳於二
舉垂休績乎遠裔

述行賦

曹植

尋曲路之南隅觀秦政之驪墳哀黔首之罹毒
酷始皇之爲君濯余身于秦井律湯液之若焚

大暑賦

王粲

惟林鍾之季月重陽積而上升喜潤土之溽暑
扇溫風而至興獸狼望以倚喘鳥垂翼而弗翔
遠昆吾之中景天地翕其同光征夫瘼於原野
處者困於門堂患衽席之焚灼譬烘燎之在床

起屏營而東西欲避之而無方仰庭槐而嘯風
風既至而如湯於是帝后順時幸九峻之陰岡
託甘泉之清野御華殿於林光潛廣室之邃宇
激寒流於下堂重屋百增垂蔭千廡九闥洞開
周帷高舉堅冰常奠寒饌代叙

又大暑賦

劉楨

其爲暑也羲和揔駕發扶木太陽爲輿達炎燭
靈威參垂步朱轂赫赫炎天列列暉暉若熾燎
之附體又溫泉而沉肌獸喘氣於玄景鳥戢翼
於高危農辰畷捉鎛而去疇織女釋杼而下機温
風至而憎熱歎悒悒而無依披襟領而長嘯與
微風之來思

羽獵賦

王粲

相公乃乘輕軒駕四駱拊流星屬繁弱選徒命
士威興揭作旌旗雲擾鋒刃林錯揚輝吐火曜
野蔽澤山川於是乎搖蕩草木爲之摧落禽獸
振駭竄亡氣奪舉首觸絲搖足遇捷陷心裂胃
潰頸破頰鷹犬競逐奕奕霏霏隊士者若雨僵者
若坻清野滌原莫不殲夷

靈河賦

應瑒

咨靈川之遐源兮于崑崙之神丘凌增城之陰
隅兮賴后土之潛流衝積石之重險兮披山麓
之隘浮蹶龍黃而南邁兮紆鴻體而因流涉津
洛之阪泉播九道乎中州汾潁涌而騰驚兮恒
亶亶而徂征肇乘高而迅逝兮陽侯沛而震驚

白髮賦

左思

星星白髮生於鬢鬢垂雖非青蠅穢我光儀策名
觀國以此見疵將拔將鑷好爵是縻白髮將拔
惄然自訴稟命不幸值君年莫偪迫秋霜生而
皓素始覽明鏡惕然見惡朝生晝拔何罪之故

予觀橘柚一暵一晷貴其素華匪尚綠葉願戢
子之手攝子之鑷咨尔白髮觀世之途靡不追
榮貴華賤枯赫赫閭闔藹藹紫廬弱冠求仕童
髻獻謨甘羅乘軫子竒剖符英英終賈高論雲
衢拔白就黑此自在吾白髮臨拔瞋目號呼何
我之冤何子之娛甘羅自以辨惠見稱不以髮
黑而名著賈生自以良才見異不以烏鬢而後
舉聞之先民國用老成二老歸周周道肅清四
皓佐漢漢德光明何必去我然後要榮咨尔白
髮事故有以尔之所言非不有理曩曩貴耆老今

薄舊齒皤皤榮期皓首田里雖有二毛河清難
俟隨時之變見歎孔子髮乃辭盡誓言以固窮昔
臨玉顏今從飛蓬髮膚至昵尚不克終聊用擬
辭比之國風

遊後園賦

謝朓

積芳兮選木幽蘭兮翠竹上蕪蕪兮陰景下田
田兮被谷左蕙畹兮彌望右芝原兮寫目山霞
起而削成水積明以經復於是敞風闥之藹藹
聳雲館之迢迢周步檐以升降對玉堂之沈寥
尔乃日栖榆柳霞昭夕陽孤蟬已散去鳥成行
惠氣湛兮帷殿肅清陰起兮池館涼

枯樹賦

庾信

殷仲文風流儒雅海內知名代異時移出爲東
陽太守常忽忽不樂顧庭槐而歎曰此樹婆娑
生意盡矣至如白鹿貞松青牛文梓根柢盤魄
山崖表裏桂何事而銷亡桐何爲而半死昔之
三河徙殖九畹移根開花建始之殿落實睢陽
之園聲含嶰谷曲抱雲門將鷄集鳳比翼巢鴛
臨風亭而唳鶴對月峽而吟猿乃有拳曲擁腫
盤坳反覆熊彪顧眄魚龍起伏節豎樹一作山連

文橫水蹙匠石驚視公輸眩目雕鐫始就剗
仍加平鱗鏟甲落角摧牙重重碎錦片片真花
紛披草樹散亂烟霞若夫松子古度平仲君遷
森梢百頃槎枒千年秦則大夫受職漢則將軍
坐焉莫不苔埋菌壓鳥剥蟲穿位垂於霜露撼
頓於風塵東海有白木之廟西河有枯桑之社
北陸以楊葉爲關南陵以梅根作冶小山則叢
桂留人扶風則長松繫馬豈獨城臨細柳之上
塞落桃林之下若乃山河阻絕飄零離別拔本
垂淚傷根流血火入空心膏流斷節橫洞口而

欹卧頓山要而半折文衰者合體俱碎理正者
中心直裂戴癭銜瘤藏穿抱穴木魅賜一作睥
山精妖孽况復風雲不感羈旅無歸未能採葛
還成食薇沉淪窮巷蕪沒荆扉旣傷搖落彌嗟
變襄淮南云木葉落長年悲斯之謂矣乃爲歌
曰建章三月火黃河千里槎若非金谷滿園樹
即是河陽一縣花栢大司馬聞而歎曰昔年移
柳依依漢南今看搖落悽愴江潭樹猶如此人何
以堪斷一節之本木魅睥睨山精妖孽左膏流

古文苑卷第三

古文苑卷第四

詩

栢梁詩

漢武帝元封三年作栢梁臺詔群臣二千石有能為七言詩乃得上座

日月星辰和四時

皇帝

驂駕駟馬從梁來

梁王

郡國

士馬羽林材

大司馬

揔領天下誠難治

丞相

和撫四

夷不易哉

大將軍

刀筆之吏臣執之

御史大夫

撞鐘佞

鼓聲中詩

太宗

室廣大日益滋

正宗

周衛交戩禁

不時

衛尉

揔領從官栢梁臺

光祿勳

平理請讞決嫌

疑廷尉修飭輿馬待駕來大僕郡國吏功差次之鴻

臚乘輿御物主治之少府陳粟萬石揚呂箕大司農

徼道宮下隨討治金吾三輔盜賊天下危左馮翊盜

阻南山為民災右扶風外家公主不可治京兆尹椒

房率更領其材詹事蠻夷朝賀常舍其典屬國柱枿

薄櫨相枝持大匠枇杷橘栗桃李梅太官令走狗逐

兔張置罟上林令齧妃女脣甘如飴郭舍人迫窘詰

屈幾窮哉東方朔

古梁父吟中都縣有田強古冶子墓案三士皆齊人

步出齊城門遙望蕩陰里里中有三墓累累正

相似問是誰家墓田強古冶子力能排南山文

能絕地紀一朝被讒言二桃殺三士誰能為此

謀國相齊晏子

錄別詩 李陵

有鳥西南飛熠熠似蒼鷹朝發天北隅暮聞日

南陵欲寄一言空託之戕綵繒回風附輕翼以

遺心蘊蒸鳥辭路悠長羽翼不能勝意欲從鳥

逝駑馬不可乘

爍爍三星列拳拳月初生寒涼應節至蟋蟀夜

悲鳴晨風動喬木枝葉日夜零遊子暮思歸塞

耳不能聽遠望正蕭條
百里無人聲豺狼鳴後
園虎豹步客庭遠處天
一隅苦困獨零丁
隨風散歷歷如流星
三革離不結思心獨屏營
願得萱草枝以解飢渴情

寂寂君子坐奕奕合衆芳
溫聲何穆穆因風動
馨香清言振東序良時著
西庠乃命絲竹音列
席無高唱悲意何慷慨
清歌正激揚長哀發華
屋四坐莫不傷

晨風鳴北林熠燿東南飛
願言所相思日暮不
垂帷明月照高樓想見
餘光輝玄鳥夜過庭
鬣能復飛褰裳路踟躕
彷徨不能歸浮雲日千
里安知我心悲思得瓊
樹枝以解長渴飢

陟彼南山隅送子淇水陽
爾行西南游我獨東北
翔轅馬顧悲鳴五步一
彷徨雙鳧相背飛相
遠日已長遠望雲中路
想見來圭璋萬里遙相
思何益心獨傷隨時愛
景耀願言莫相忘
鍾子歌南音仲尼歎歸
與戎馬悲邊鳴遊子戀
故廬陽鳥歸飛雲蛟龍
樂潛居人生一世間貴
與願同俱身無四凶罪
何爲天一隅與其苦筋
力必欲榮薄軀不如及
清時策名於天衢

鳳皇鳴高岡有翼不好飛安知鳳皇德貴其來

見稀

闕

紅塵蔽天地白日何冥冥

闕

荅詩

蘇武

童童孤生柳寄根河水泥連翩遊客子干冬服
涼衣去家千里餘一身常渴飢寒夜立清庭仰
瞻天漢湄寒風吹我骨嚴霜切我肌憂心常慘
戚晨風爲我悲瑤光游何速行願支何遲仰視
雲間星忽若割長帷低頭還自怜盛年行已衰
依依戀明世愴恨難久懷

別李陵

雙鳧俱北飛一鳧獨南翔子當留斯館我當歸
故鄉一別如秦胡會見何詎央愴恨切中懷不
覺淚沾裳願子長努力言笑莫相忘

臨終詩

孔融

言多令事敗噐漏苦不密河潰蟻孔端山壞由
猿穴涓涓江漢流天窓通冥室讒邪害公正浮
雲翳白日靡辭無忠誠華繁竟不實人有兩三
心安能合爲一三人成市虎浸漬解膠漆生存
多所慮長寢萬

一作方事畢

離合作郡姓名字詩

漁父屈節水潛匿方與昔進止出行施張呂公
磯釣盍口渭旁九域有聖無土不王好是正直
女回予在海外有截隼逝鷹揚六翮將奮羽儀
未彰虵龍之蟄俾也可忘玳璇隱曜美玉韜光
無名無譽放言深藏按轡安行誰謂路長

六言詩三首

漢家中葉道微董卓作亂乘衰僭上虐下專威
萬官惶怖莫違百姓慘慘心悲

郭李分爭為非遷都長安思歸瞻望關東可哀

夢想曹公歸來

從洛到許巍巍曹公憂國無私減去厨膳甘肥
羣僚率從祈祈雖得俸祿常飢念我苦寒心悲

雜詩二首

巖巖鍾山首赫赫炎天路高明曜雲門遠景灼
寒素昂昂累世士結根在所固呂望老匹夫苟
為因世故管仲小囚臣獨能建功祚人生有何
常但患年歲暮幸記一作託不肖軀且當猛虎步
安能苦一身與空元同舉厝由不慎小節庸夫笑
我度呂望尚不希夷齊何足慕

遠送親行客歲暮乃來歸入門望愛子妻妾向
人悲聞子不可見日已潛光輝孤墳在西北常
念君來遲褰裳上墟丘但見蒿與薇白骨歸黃
泉肌骨乘塵飛生時識父死空元知我誰孤魂遊
窮暮飄飄安所依人生圖盡息爾死我念追俛
仰內傷心不覺淚沾衣人生自有命但恨生日
希

木蘭詩

不知名浙江西道觀察使兼
御史中丞韋元甫聞續附入

促織何唧唧木蘭當戶織不聞機杼聲唯聞女
歎息問女何所思問女何所憶女亦無所思女

亦無所憶昨夜見軍帖可汗大點兵軍書十二
卷卷卷有耶名阿耶無大兒木蘭無長兄願爲
市鞍馬從此替耶征東市買駿馬西市買鞍韉
南市買轡頭北市買長鞭旦辭耶孃去暮宿黃
河邊不聞耶孃喚女聲但聞黃河流水鳴濺濺
旦辭黃河去暮宿黑山頭不聞耶孃喚女聲但
聞燕山胡騎聲啾啾萬里赴戎機關山度若飛
朔氣傳金柝寒光照鐵衣將軍百戰死壯士十
年歸歸來見天子天子坐明堂策勳十二轉賞
賜一作賜物百千強可汗問所欲木蘭不用尚書郎

樂府作欲與木蘭
賞不願尚書郎

願馳千里足送兒還故鄉耶

孃聞女來出郭相扶將阿姊聞妹來當戶理紅
粧小第聞姊來磨刀霍霍向猪羊開我東閣門
坐我西間床脫我戰時袍着我舊時裳當總理
雲鬢挂鏡帖花黃出門看火伴火伴皆驚忙同
行十二年不知木蘭是女郎雄兔脚撲握一作朔
雌兔眼彌迷一作離霍一作兩兔傍地走安一作焉能
辨我是雄雌

嘲熱客

平生三伏時道里無行車閉門避暑卧出入不

相過只今能襪子觸熱到人家主人聞客來嘖
蹙奈此何謂當起行去安坐正咨嗟所說無一
急啗啗吟何多搖扇髀中疾流汗正滂沱莫謂
爲小事亦是人一瑕傳戒諸高明契行宜見呵
齊梁詩四十五篇

侍遊西方山應詔

巡蠟望登年悵飲臨秋縣日羽鏡霜潯雲旗落
風甸四瀛良在目八寓婉如見小臣竊自嘉預
奉栢梁讌

遊仙詩

桃李不奢年桑榆多暮節常恐秋蓬根連翩因
風雪習道遍槐岷追仙度瑤碣綠帙啓真詞丹
經流妙說長河且已榮曾山方可礪

獻歲和風起日出東南隅鳳旂空亂煙龍駕溢
雲區結賞自貞嶠移讌乃方壺金卮浮水翠玉
竿挹泉珠徒用空霜露改然天地俱

命駕瑤池隈過息羸女臺長袖何靡靡簫管清
且哀璧門涼月舉珠殿秋風迴青鳥鶩高羽王
母停玉盃舉手暫為別千年將復來

湘沅有蘭沚洎吾欲南征遺珮長出浦舉袂望
增城朱霞拂綺樹白雲照金楹五芝多秀色八
桂常冬榮弭節且夷與參差聞鳳笙

命駕隨所即燭龍導輕驪沙澤振寒草弱水駕
冰潮遠翔馳聲響流雪自飄飄忽與若空者長
舉入雲霄羅澤徒有睨鷦明已寥寥寥

奉和南海王殿下詠秋胡妻

日月共為照松筠俱以貞佩分甘自遠結鏡待
君明且協金蘭好方愉琴瑟情佳人忽千里幽
閨積思生

其一

景落中軒坐悠悠望城闕高樹升夕煙曾樓滿
初月光陰非或異川山屢難越輟泣捨鈿姿搔
首亂雲髮

其二

傾魂屢組火搖念待方秋涼氣承宇結明熠僚
堦流三星亦虛映四屋慘多愁空思如萱草一
見乃忘憂

其三

杼柚鬱不諧契闊彌新故翔風欄上發寒鳥林
間度客遠乏衣裘歲晏饒霜露參差興別緒依

遲起離慕

其四

願言如何行信邁亦云反睇景不告勞瞻途寧
遽遠何以淹歸轍蠶妾事春晚送目亂前華馳
心迷舊婉

其五

椒珮容有結振芳跂路隅黃金徒以賦白珪終
不渝明心良自皎安用久踟躕速反於巷流
目下西虞

其六

拙玄寺聽講畢遊郊園

道勝業茲遠心閑地能隙桂掩鬱初裁蘭墀坦
將闢虛檐對長嶼高軒臨廣液芳草列成行嘉
樹紛如積流風轉還逕清煙泛喬石日泊山照
紅松映水華碧暢哉人外賞遲遲眷西夕

別蕭諮議

任殿中昉

離燭有窮輝別念無終緒岐言未及申離目已
先舉揆景空衡阿臨風長楸渚浮雲難嗣音徘徊
悵誰與儻有關外驛聊訪狎鷗渚

王延

霏雲承永夜皓燭務馬離軒執酒愴誰元舉袖默
何言忍茲君為別如此歲方暄年深北岫時鳥
思南國園江上愁別日階下樹芳蓀

宗記室史

別酒正參差乖情將陸離悵焉臨桂苑憫默瞻
華池輕雲流惠采時雨亂清漪眇眇追蘭逕攸
攸結芳枝眷言終託何心寄方在斯

蕭諮議衍

問我去何節光風正悠悠蘭華時未晏舉袂徒
離憂緩客承別酒鳴琴和好仇清宵一已曙藐

爾泛長洲眷言無歇緒深情附還流

蕭記室深前夜以醉乖例今晝由醒敬應教

落日摠行轡薄別在江干遊客無淹期長洲有
急瀾分手信云易相思誠獨難之子兩特達伊
余日盤桓元此式微歲共賞階前蘭

別蕭諮議又一首

徘徊將所愛昔別在河梁衿袖三處隔江山千
里長寸心無遠近邊地有風霜勉哉勤歲暮敬
矣事容光山川殊未憚杜若空爲芳

和王友古意二首

沈右率等並和
數十人文多不載

遊禽暮知反行人獨未歸坐銷芳草氣空度明
月暉嘖容入朝鏡思淚點春衣空山采雲合湛
上綠條晞待君竟不至秋鴈霍霍飛

霜氣下盟津秋風度函谷念君淒已寒當軒卷
羅縠織手廢裁縫曲鬢罷膏沐千里不相聞寸
心鬱紛蘊况復飛螢夜木葉亂紛紛

餞謝文學離夜

漢池水中帶空山雲似蓋滌汨背吳湖潺湲橫
楚瀨一望沮漳水寧思江海會以我徑寸心從

君千里外

沈率約

差池鷺始飛
羃歷草初輝
離人悵東顧
遊子去西歸
清潮已架渚
溽露復沾衣
一乖當春聚
方掩故園扉

虞駕部

陽臺霧初解
夢渚水裁淥
遠山隱且見
平沙斷還續
分絃饒苦音
別唱多淒曲
爾拂後車塵
我事東臯粟

范通直雲

春夜別清樽
江潭復爲客
歎息東流水
如何故鄉陌
重樹始芬苙
芳洲轉如積
望望荆臺下
歸夢相思夕

謝文學

所供共歌笑
誰忍別笑歌
離軒思黃鳥
分渚夢青莎
翻情結遠旆
灑淚與行波
春江夜明月
還望情如何

王中書

執手無還顧
別渚有西東
荆吳眇何際
煙波千里通
春筍方解籜
弱柳向低風
相思將安寄
悵

望南飛鴻

蕭記室

汀洲千里芳朝雲萬里色悠悠在天隅之子去
安極春潭無與窺秋臺誰共陟不見一佳人徒
望西飛翼

寒晚敬和何徵君點

劉中書

踈酌候冬序閑琴改秋律如何將暮天復值西
歸日搖落迎軒牖飛鳴亂繩葦煙灌共深陰風
篁兩蕭瑟虛堂無笑語懷君首如疾早輕北山
賦晚愛東臯逸上德可潤身下澤有徐轡

別王丞僧孺

首夏實清和餘春滿郊甸花樹雜爲錦月池皎
如練如何如此時別離言與面留雜已鬱紆行
舟亦遙衍非君不見思所悲思不見

學古貽王中書

范通直雲

攝官青瑣闥遙望鳳凰池誰言相去遠脉脉阻
光儀岱山饒靈異沂水富英竒獨翻凌北海翻
飛出南皮遭逢聖明后來棲桐樹枝竹花何莫
莫桐葉何離離可栖復可食此外亦何爲豈如
顛顛者一粒有餘貲

雜體報范通直

和壁荆山下隨珠漢水濱無靈自昔代有美今
為隣三楚多才士江上復才人緯綃非善賈聖
德可名臣追飛且學步共子奉清鹿紫庭風日
好青槐枝葉新徘徊吹樓側欲見心所親
蘭蕙草何用以書紳

賦物為詠得幔

謝文學

幸得與君綴幕歷君之楹月暎不辭卷風來輒
自輕每聚金鑪氣時駐玉琴聲但願置樽酒蘭
缸當夜明

琵琶

王中書

抱月如可明懷風殊復清
絃中傳意緒花裏寄春情
掩抑有奇態悽鏘多好聲
芳袖幸時拂龍門空自生

箏

沈右軍

江南簫管地妙響發孫枝
殷勤寄玉指合情舉復垂
雕梁再三繞輕塵四五移
曲中有深意丹心君詎知

奉和月下

雕雲度綺錢香風入珠網
獨知此夜月依遲慕

神賞

奉和秋夜長

秋夜長夜長樂未央舞袖拂花燭歌聲繞鳳梁

四色詠

赤如城霞起青如松霧徹黑如幽都雲白如瑤池雪

奉和織織

兩頭織織綺上紋半白半黑鷓鴣羣臛臛膊
烏迷曛磊磊落落玉石分

奉和代徐

自君之出矣芳蕕絕瑤卮思君如形影寢興未
曾離

并代徐

自君之出矣金爐香不然思君如明燭中宵空
自煎

詠梧桐

騫鳳影層枝輕虹鏡辰綠豈斲龍門幽直慕瑤
池曲

和王中書劉中書

露庭晚翻積風閨夜入多縈蕞似亂蝶拂燭狀

聯蛾

阻雪連句遙贈和

謝文學眺

風庭舞流霰冰池結文澌飲春雖以燠欽賢紛若馳

江秀才革

珠雲條間響玉雷閣下垂杯酒不相接寸心良共知

歌

淋池歌

使官人歌之

漢昭帝

秋素景兮泛洪波揮纖手兮折芰荷涼風淒淒

揚棹歌雲光開曙月低河萬歲為樂豈云多

黃鵠歌

昭帝

始元元年黃鵠下太液池上為歌曰

黃鵠飛兮下建章羽肅肅兮行蹒蹒金為衣兮菊為裳唼喋荷荇出入蒹葭自顧菲薄愧爾嘉

祥

招商歌

後漢靈帝

涼風起兮日照渠青荷晝偃葉夜舒惟日不足樂有餘清絲流管歌玉鳧千年萬歲喜難踰

曲

落葉哀蟬曲

漢武帝

羅袂兮無聲玉墀兮塵生虛房冷而寂寞落葉
依於重扃望彼美之女兮安得感余心之未寧

古文苑卷第四

古文苑卷第五

勅

漢高祖手勅太子

吾遭亂世當秦禁學自喜謂讀書無益洎踐祚
以來時方省書乃使人知作者之意追思昔所
行多不是又云堯舜不以天下與子而與它人
此非爲不惜天下但子不中立耳人有好牛馬
尚惜况天下耶吾以尔是元子早有立意群臣
咸稱汝友四皓吾所不能致而爲汝來爲可任
大事也今定汝爲嗣又云吾生不學書但讀書

問字而遂知耳以此故不大工然亦足自辭解
今視汝書猶不如吾汝可勤學習每上疏宜自
書勿使人也又云汝見蕭曹張陳諸公侯吾同
時人倍年於汝者皆拜并語於汝諸弟又云吾
得疾遂困以如意卅子相累其餘諸兒皆自足
立哀此兒猶小也

啓

晉明帝啓元帝

臣紹言伏蒙吉日沐頭老壽多宜謹拜表賀表
畬云春正月沐頭至今大垢臭故乃沐尔得啓
知汝孝愛當如今言父子享祿長生也又啓云
沐久勞極不審尊體何如畬云去垢甚佳身不
極勞也

狀

掾臣條屬臣準書佐臣謀弘農太守上祠
西岳乞差一縣賦發復華下十里以內民
租田口筭狀

樊毅

光和二年十二月庚午朔十三日壬午弘農太
守臣毅頓首死罪尚書臣毅頓首頓首死罪死

罪謹按文書臣以去元年十一月到官其十二月奉祠西岳華山省視廟舍及齋衣祭器率皆久遠有垢故魯曾不修太室春秋示譏臣以神岳至尊宜加恭肅輒遣行事荀班與華陽令先謹以漸繕治成就之後仍雨甘雪濺潤宿麥惠滋黎庶臣即以詔書齋祀雪未消澤時日清親一作歡和神親民喜誠聖朝勞神日昊廣被四表覆育之德神人被施遐邇大小莫不幸甚臣毅頓首頓首死罪死罪謹又書言縣當孔道加奉尊岳一歲四祠養牲百日常當充肥用穀藁三

千餘斛或有請雨齋禱役費兼倍每被詔書調發無差山高聽下恐近廟小民不堪役賦有飢寒之窘違宗神之敬乞差諸賦役復華下十里以內民租田口業以寵神靈廣祈多福隆中興之祚臣輒聽行盡力奉宣詔書思惟惠利增異復上臣毅誠惶誠恐頓首頓首死罪死罪上尚書

書

詣丞相公孫弘記室書 董仲舒

江都相董仲舒叩頭死罪再拜上言君侯以周

召自然休質擢升又作拜三公統理海內總緝百

寮未有半言之教郡國翕然望風更思改新以

助至治群眾所占必有成功仲舒叩頭死罪仲

舒愚戇素無治名大漢之檢式數蒙君侯哀憐

之恩悞被非任無以稱職仲舒叩頭死罪仲舒

竊見宰職任天下之重羣心所歸惟須賢佐以

成聖化願君侯大開蕭相國求賢之路廣選舉

之門既得其人接以周公下士之義即奇偉隱

世異倫之人各思竭愚歸往盛德英俊滿朝百

能備具即君侯大立則道德弘通一作裕化流四

極仲舒愚陋經術淺薄所識褊陋不能贊揚万

分君侯所弃捐竊聞春秋曰賢聖博觀以章其

名擇善者從之無所不聽又曰近而不言為諂

遠而不言為怨故輒披心陳誠仲舒叩頭死罪

死罪夫堯舜三王之業皆由仁義為本仁者所

以理一作序人倫也故聖王以為治首或曰發號

出令利天下之民者謂之仁政疾天下之害於

人心一作者謂之仁心二者備矣然後海內應以

誠惟君侯深觀往古思本仁義至誠而已方今

關東五穀咸貴家有飢餓其死傷者半盜賊並

起發亡不止良民被害為聖主憂咎皆由仲舒
等典職防禁無素當先坐仲舒叩頭死罪死罪
仲舒至愚以為扶衰止姦本在吏耳宜一考察
天下領民之吏留心署置以明消滅邪枉之迹
使百姓各安其產業無有寇盜之患以蠲主憂
仲舒叩頭死罪謹奉春秋署置術再拜君侯足
下

荅劉歆書

揚雄

雄叩頭賜命謹至又告以田儀事事窮竟白案
顯出甚厚甚厚田儀與雄同鄉里幼稚為鄰長

艾相愛視覬動精采似不為非者故舉至之雄
之任也不意淫迹暴於官朝今舉者懷蔽而低
眉任者含聲而冤舌知人之德堯猶病諸雄何
慙焉叩頭叩頭又勅以殊言十五卷君何由知
之謹歸誠底裏不敢違信雄少不師章句亦於
五經之訓所不解常聞先代輜軒之使奏籍之
書皆藏於周秦之室及其破也遺棄無見之者
獨蜀人有嚴君平臨卬林間翁孺者深好訓詁
猶見輜軒之使所奉言翁孺與雄外家牽連之
親又君平過誤有以私遇少而與雄也君平財

有千言耳翁孺梗概之法略有翁孺往數歲死婦蜀郡掌氏子無子而去而雄始能草文先作縣邸銘王佾頌階闈銘及成都城四壩銘蜀人有楊莊者爲郎誦之於成帝成帝好之以爲似相如雄遂以此得外見此數者皆都水君常見故不復奏雄爲郎之歲自奏少不得學而心好沈博絕麗之文願不受三歲之奉旦休脫直事之繇得肆心廣意以自克就有詔可不奪奉令尚書賜筆墨錢六萬得觀書於石渠如是後一歲成帝作繡補靈節龍骨之銘詩三章成帝好之遂得盡意故天下上計孝廉及內郡衛率會者雄常把三寸弱翰齋油素四尺以問其異語歸即以鈎摘次之於槧二十七歲於今矣而語言或交錯相反覆方論思詳悉集之燕其疑張伯松不好雄賦誦之文然亦有以竒之常爲雄道言其父及其先君喜典訓屬雄以此篇目頗示其成者伯松曰是縣諸日月不刊之書也又言恐雄爲太玄經由鼠坻之與牛場也如其用則實五稼飽邦民否則爲抵糞棄之於道矣而雄般之伯松與雄獨何德慧而君與雄獨何譖

隙而當匿哉乎其不勞戎馬高車令人君坐幃
幙之中知絕遐異俗之語典流於昆嗣言列於
漢籍誠雄心之所絕極至精之所想邁也扶聖
朝遠照之明使君求此如君之意誠雄散之之
會也死之日則今之榮也不敢有貳不敢有變
少而不以行立於鄉里長而不以功顯於縣官
者訓此於帝籍但言詞情覽翰墨爲士誠欲崇
而就之不可以遺不可以忘即君必欲脅之以
威陵之以武欲令入之於此此又未定未可以
見今君又終之則縊死以從命也而可且寬假
延期必不敢有愛雄之所爲得使君輔貢於明
朝則雄無恨何敢有匿唯執事圖之長監所規
繡之就死以爲小雄敢行之謹因還使雄叩頭
叩頭

遺令書四首

酈炎

維熹平六年冬十二月乃裂裳書

白巖考之神坐炎荷天之罪以致于死歿身弊
有知炎之歸覲在旦夕之間耳若其無知將
何面目少見靈魂哉其自即安其自愛臣去矣
亂矣永滅亡矣

白老母無懷憂懷憂何爲無增悲增悲何施寒
必厚衣無炎誰爲母厚衣暑必輕服無炎誰爲
母輕服弃炎無念此常厚衣不尤不怨此常輕
服矣聖人達於死生賢者力而慕之炎之中心
私有所慕每讀漢書楊王孫裸葬班固以爲賢
於秦始皇意常壯之然裸以見先人若炎不爲
也其布巾取覆頭布衣用蔽形具棺取容身鑿
地取容棺若獲罪於衆耶石槨速朽蠲其罪哉
堅固不加喪葬無瀆先君之兆域必於瘠确之
處而已呼甘陵夫人共居也

白興讓考喪早葬立讓之等元昆勉之以老母
相累不可使老母無曹也加供養謝媿以老母
相託若死者復知必使其言不愧嗟哉邈之遺
孤其名曰止戈汝長自爲之寧咨尔止戈汝未
有所識吾謂汝有所識其先見汝耳汝未有所
聞吾猶謂汝耳有所聞而告汝人之喪也非父
則母非昆則弟非姊則妹人之孤也齷齪其少
矣汝之孤也曾未滿兩旬汝無自以爲微弱物
有微弱於汝者乃其長而繁焉后稷弃之寒冰
隘巷矣汝比之猶逸焉於菟之在虎乳極矣汝

比之猶易焉乃終不在乃始在在懼惟生無懼
管蔡之逸厥終乃不逸之易厥終不易言咨嗟
止戈汝能言則讚之頌言汝能行則履我之所
訓剛焉柔焉弱焉強焉學焉愚焉仕焉隱焉懼
汝身之不柔可不厲汝以剛乎懼汝之剛可不
厲以柔乎懼汝之弱可不訓汝以強懼汝之愚
可不勗汝以學懼汝身之可不勗汝以愚乎懼
汝身之隱可不敕汝以仕乎消息汝躬調和汝
體思乃考言念陋考訓必博學以著書以續受
父母久業我十七而作酈篇二十四而州書矣

二十七而作七平矣其賦誦誅自少爲之苟吾
戒汝尅從祭爲甘苟示試汝克違梁莫爲苦汝
無逸于丘無湏于酒無安于忍事君莫如忠事
親莫如孝朋友莫如信脩身莫如禮汝哉其勉
之下邳衛府君我之諸曹掾督郵濟北甯府君
我由之成就陳留韓府君察我孝廉陳留楊使
辟我右北平從事從事祭酒今我溺于地下思
恩則孤而靡報汝有可以倒戟背戈無孤之矣
陳留蔡伯喈與我初不相見吾仰之猶父不敢
以爲兄彼必愛以爲弟九江廬府君吾父事之

張公哀張子傳幼業王延壽王子衍之朋友也
鮮于中優吾先姑之所出也若不足焉汝苟足
往而朝覲之汝不敏往從之學焉汝苟往取任
焉咨尔止戈吾蔑復有言焉其永覽于此

曹公與楊太尉書論刑楊脩

操白與足下同海內大義足下不遺以賢子見
輔比中國雖靖方外未夷今軍征事大百姓騷
擾吾制鐘鼓之音主簿宜守而足下賢子恃豪
父之勢每不與吾同懷即欲直繩頽頽恨恨謂
其能改遂轉寬舒復即宥貸將延足下尊門大
累便令刑之念卿父息之情同此悼楚亦未必
非幸也謹贈足下錦裘二領八節角桃杖一枝
官絹五百匹錢六十万四望通幃七香車一乘
青犢牛二頭八百里驊騮馬一匹赤戎金裝鞍
轡十副鈴苞一具驅使二人并遺足下貴室錯
綵羅縠裘一領織成鞞一量有心青衣二人長
奉左右所奉雖薄以表吾意足下便當慨然承
納不致往返

楊太尉荅曹公書

彪白雅頽隆篤每蒙接納私自光慰小兒頑鹵

謬見采錄不能期効以報所愛方今軍征未暇其備位匡政當與戮力一心而寬玩自稽將違法制相子之行莫若其父怙慮小兒必致傾敗足下恩怨延罪迄今近聞問之日心腸酷裂凡人情誰能不尔深惟其失用以自釋所惠馬及雜物自非親舊孰能至斯省覽衆賜益以悲懼

曹公卞夫人與楊太尉夫人袁氏書

卞頓首貴門不遺賢郎輔位每感篤念情在凝至賢郎盛德熙妙有盖世文才闔門欽敬寶用無已方今騷擾戎馬屢動主簿股肱近臣征伐

居前禮三年喪不祭其先而不敢廢郊郊重宗廟天尊於人也王制曰祭天地之牛角繭栗宗廟之牛角尺此言德滋美而牲滋微也春秋曰魯祭周公用白牡色白貴純也帝牲在滌三月牲貴肥潔而不貪其大也凡養牲之道務在肥潔而已駒犢未能芻秣之食莫如令食其母便臣湯謹問仲舒魯周公用白牡非禮也臣仲舒對曰禮也臣湯問周天子用騂剛群公不毛周公諸侯何以得純牲臣仲舒對曰武王崩成王幼而在襁褓之中周公繼文武之業成二聖之

功德漸天地澤被四海故成王之詩曰無德不報故成王使祭周公以白牡上不得與天子同色下有異於諸侯臣仲舒以爲報德之禮臣湯問仲舒天子祭天諸侯祭土魯何緣以祭郊臣仲舒對曰周公傳成王遂及聖功莫大於此周公聖人也有祭於天道成王令魯郊也臣湯問仲舒魯祭周公用白牡其郊何用臣仲舒對曰周色尚赤魯以天子命郊故以駢臣湯問仲舒祠宗廟或以鶩當鳧鳧可用不臣仲舒對曰鶩飛鳧也臣聞孔子入太廟每事問慎之至也陛下之計事湏敬咨官立金鼓之節而聞命違制明公性急忿然在外輒行軍法卞姓當時亦所不知聞之心肝塗地驚愕斷絕悼痛酷楚情自不勝夫人多容即見垂恕故送衣服一籠文綃百匹房子官錦百斤私所乘香車一乘牛一頭誠知微細以達往意望爲承納

楊太尉夫人袁氏荅書

彪素氏頓首頓首路歧雖近不展淹久歎想之勞情抱山積曹公匡濟天下遐邇以寧四海歸仰莫不感戴小兒疏細謬蒙采拾未有上報果

自招罪戾念之痛楚五內傷裂尊意不遺伏辱
惠告見明公與太尉書具知委曲度子之行不
過父母小兒違越分應至此怜其始立之年畢
命埃土遺育孤幼言之崩潰明公所賜已多又
加重賚禮頗非宜荷受輒付往信

對

郊祀對

董仲舒

廷尉臣湯昧死言臣湯承制以郊事問故膠西
相仲舒臣仲舒對曰所聞古者天子之德莫重
於郊郊常以正月上辛日者所以先百神而最
祭躬親齋戒沐浴以承宗廟甚敬謹柰何以鳧
當鶩鶩當鳧名實不相應以承太廟不亦不稱
乎臣仲舒愚以爲不可臣犬馬齒衰賜骸骨伏
陋巷陛下乃奉使九卿問臣以朝廷之事臣愚
陋曾不足以承明詔奉大對臣仲舒冒死以聞

雨雹對

元光元年七月京師雨雹鮑敞問董仲舒曰雹
何物也何氣而生之仲舒曰陰氣脅陽氣天地
之氣陰陽相半和氣周迴朝夕不息陽德用事
則和氣皆陽建巳之月是也故謂之正陽之月

陰德用事則和氣皆陰建亥之月是也故謂正
陰之月十月陰雖用事而陰不孤立此月純陰
疑於無陽故謂之陽月詩人所謂日月陽止者
也四月陽雖用事而陽不獨存此月純陽疑於
無陰故亦謂之陰月自十月以後陽氣始生於
地下漸冉流散故言息也陰氣轉收故言消也
日夜滋生遂至四月純陽用事自四月以後陰
氣始生於天上漸冉流散故云息也陽氣轉收
故言消也日夜滋生遂至十月純陰用事二月
八月陰陽正等無多少也以此推移無有差戾

運動抑揚更相動薄則薰蒸高歆蒸而風雨雲霧
電雷雪雹生焉氣上薄爲雨下薄爲霧風其噫
也雲其氣也雷其相擊之聲也電其相擊之光
也二氣之初蒸也若有若無若實若虛若方若
圓攢聚相合其體稍重故雨乘虛而墜風多則
合速故雨大而踈風少則合遲故雨細而密其
寒月則雨凝於上體尚輕微而因風相襲故成
雪焉寒有高下上暖下寒則上合爲大雨下凝
爲冰霰雪是也雹霰之流也陰氣暴上雨則凝
結成雹焉太平之世則風不鳴條開甲散萌而

已雨不破塊潤菜津莖而已雷不驚人號令啓
發而已電不眩目宣示光耀而已霧不塞望浸
淫被洎而已雪不封條凌殄毒害而已雲則五
色而為慶三色而成喬露則結味而成甘結潤
而成膏此聖人之在上則陰陽和風雨時也政
多紕繆則陰陽不調風發屋雨溢河雪至牛目
電殺驢馬此皆陰陽相蕩而為侵沲之妖也敞
曰四月無陰十月無陽何以明陰不孤立陽不
獨存耶仲舒曰陰陽雖異而所資一氣也陽用
事此則氣為陽陰用事此則氣為陰陽陰之時

雖異二體常存猶如一鼎之水而未加火純陰
也加火極熱純陽也純陽則無陰氣息火水寒
則更陰矣純陰則無陽加水火熱則更陽矣然
則建巳之月為純陽不容都無復陰也但是陽
家用事陽氣之極耳薺麥枯由陰殺也建亥之
月為純陰不容都無復陽也但是陰家用事陰
氣之極耳薺麥始生由陽升也其尤者葶藶死
於盛夏款冬花於嚴寒水極陰而有溫泉火至
陽而有涼焰故知陰不得無陽陽不容都無陰
也敞曰冬雨必暖夏雨必涼何也曰冬氣多寒

陽氣自上躋故人得其暘而蒸成雪矣夏氣多
暘陰氣自下昇故人得其涼而上蒸成雨矣敞
曰雨旣陰陽相蒸四月純陽十月純陰斯則無
二氣相薄則不雨乎曰然則純陽純陰雖在四
月十月但月中之一日耳敞曰月中何日曰純
陽用事未夏至一日純陰用事未冬至一日朔
旦夏至冬至其正氣也敞曰然則未至一日其
不雨乎曰然頗有之則妖也和氣之中自生災
沴能使陰陽改節暘涼失度敞曰災沴之氣其
常存耶曰無也時生耳猶乎人四支五臟中也
有時及其病也四支五臟皆病也敞遷延負墻
俛揖而退

對事

酈炎

客問酈炎曰吳王曷不傳子而傳兄弟四人傳
者將以致國乎季札季札不受雖有僚立闔閭
之弑春秋猶以不受爲義不煞爲仁而相譚以
夫差喪國咎由季札札不思上放周公之攝位
而下慕曹臧之謙讓名已細矣春秋之趨豈謂
尔乎炎曰夫四王之輕命致國乎季子謂其能
流慶百世也季子受內有篡煞之亂外致滅亡

之禍雖知潔已之可爲不惟宗廟之絕祀其痛
矣問曰周制諸侯父死子繼若札從先私志受
非所繼是浮行豈節義之謂與闔閭之欲國蓋
緣札之雅意故曰季子雖至不吾廢也今如吾
子之云則君子何稱乎炎曰光知季子仁而無
權故肆意焉季子不能討是則春秋所譏仁而
不武無能達也子之云公羊也公羊不以父命
辭王父命以王父命辭父命不以家事辭國政
衛輒拒父猶謂之可況以國治篡弑之子乎祭
仲行權公羊嘉之云君可以死易生國可以存

易亡季子不然猶何善乎此蓋公羊之失非義
之通者也周公誅二叔不爲不仁宋穆受兄國
不爲不義君子急病而讓夷故踐明堂朝諸侯
非榮其位爲時之急也以季子之才君國子民
行化四方與夫勾踐相去幾何若令向時見國
危亂慕周公急時之義思先君致國之意攝政
持統邁其威德奚翅遷都瑯琊尚征上國朝齊
宋鄭魯衛執政之君哉孔子稱可與立道未可
與權權反經而善聖之達節者也季子守節之
士故非其量度乎問者因又謂炎曰古者聖人

封建諸侯皆曰百里取象於雷雷何取也炎曰
易震爲雷亦爲諸侯雷震驚百里炎曰以其數
知之夫陽動爲九其數卅六陰靜爲八其數卅
二震一陽動二陰故曰百里問者稱善

古文苑卷第五

古文苑卷第六

頌

山川頌

董仲舒

山則龍從嶮鬼罪魏久不崩阨似夫仁人志士
孔子曰山川神祇立寶藏殘器用資曲直合大
者可以爲宮室臺榭上者可以爲舟輿浮瀟大
者無不中小者無不入持斧則斫拆鑠則艾生
人立禽獸伏死人入多其功而不言是以君子
取辟也且積土成山無損也成其高無害也成
其大小其上泰其下久長安後世無有去就儼

然獨處唯山之意詩云節彼南山惟石巖巖赫
赫師尹民具爾瞻如此之謂也水則源泉混混
汙汙晝夜不竭既似力者盈科後行既似持平
者循微赴下不遺小間既似察者循谿谷不迷
或奏萬里而必至既似知者鄣防止之能淨淨
既似知命者不清而入潔清而出既似善化者
赴千仞之壑而不疑既似勇者物皆困於火而
水獨勝之既似武者咸得之而生失之而死既
似有德者孔子在川上曰逝者如斯夫不舍晝
夜此之謂也

車騎將軍竇北征頌

班固

車騎將軍應

一作膺

昭明之上德該文武之妙姿

蹈佐歷握輔揲翼肱聖上作主光輝資天心謨

神明規卓遠圖幽冥親率戎士巡撫疆城勒邊

御之永設奮轡

一作輔

櫓之遠徑閔遐黎之騷狄

念荒服之不庭乃揔三選簡虎校勒部隊明誓

號援謀夫於末言察武毅於俎豆取可杖於品

象拔所用於仄陋料資器使采用先務民儀響

慕羣英影附羌戎相率東胡爭驚不召而集未

令而諭於是雷震九原電曜高闕金光鏡野武

旗冒蜺衝

一作衡

鷄鹿超黃磧輕選四縱所從莫

敵馳颺疾踵蹊迹探梗莽採嶰阨斷温禺分尸

逐電激私渠星流霰落名王交手

一作贊

稽顙請

服乃收其鋒鏃干鹵甲冑積象

一作象

如丘阜陳

閱滿廣野戢載連百兩散數累方億放獲驅孥

揣城拔邑擒馘之倡九谷謠諺響聒東夷埃塵

戎域然而唱呼鬱憤未逞厥願甘平原之酣戰

矜訊捷之累筭何則上將崇至仁行凱易弘濃

恩降温澤同庖厨之珍饌分裂室之織帛勞不

御輿寒不施釋行無偏勤止無兼役性蒙識而

復戾順貳者異而懦夫奮遂踰涿邪跨復連籍

庭蹈就疆獨靖嶺

一作嶺

麟幽山趨凶河臨安候

軼焉居與虞衍顧衛霍之遺迹賤伊袂之所邈

師橫驚軼而庶御士怫悞以爭先回万里而風

騰劉

一作劉

殘寇於沂根糧不賦而師贍役不重

而備軍行戎醜以禮教斫鴻校而昭仁文武炳

其並隆威德兼而兩信清乾鈞之攸冒拓畿略

之所順橐弓鏃而戢戈回雙麾以東運於是封

燕然以降高禮

一作禮

廣鞬以弘曠銘靈陶以勒

崇欽皇祇之祐貺宣惠氣盪殘風軻泰幽嘉凝

陰飛雪讓席其雨洒淋榛枯一握興嘉卉始農
土膏含養四行分任於是三軍稱曰疊疊將軍
克廣德心光光神武弘昭德音超兮首天潛眇
兮與神參

東巡頌

傅毅

伊漢中興三葉於皇維烈允迪厥倫纘王命脩
漢興矩坤度以軌物規乾則以陶鈞於是考上
帝以質中惣列宿於北辰開太微於禁庭延儒
林以諮詢于時載華抱實徵尔而造曰盛乎大
漢旣重雍而襲熙代增其德唯斯岳禮久而不

脩此神人之所慶幸海內之所想思頌有喬山
之征典有徂岳之巡時邁其邦人斯攸勤不亦
宜哉乃命太僕馴六轡閑路馬戒師徒於是乘
輿登天靈之威駱駕太一之象車聘東作之上
務闕

天子冠頌

黃香

以三載之孟春建寅月之上旬皇帝將加玄冠
簡甲子之元辰厥日王於大皞厥時叶於百神
旣臻廟而成禮乃迴軫而反宮正朝服以享宴
撞太簇之蕤鍾祚蕃屏而鼎轉旣夷裔之君王

咸進酌于金罍獻萬年之玉觴

又東巡頌

蔡邕

竊見巡狩岱宗柴望山虞宗祀明堂上稽帝堯
中述世宗遵奉光武禮儀備具是以神明屢應
休徵乃降

南巡頌

惟漢再受命爰葉一十協景和則天經郊高宗
光六幽通神明既禘祖於西郊又將禘於南庭
是時聖上運天官之法駕建日月之旃旌

太廟頌

王粲

思皇烈祖時邁其德肇啓洪源貽燕我則我休
厥成聿先厥道丕明丕欽允時祖考

綏庶邦和四宇九功備彝樂序建崇牙設璧羽
八佾奏八音舉昭大孝衍妣祖念武功收純祐
於穆清廟翼翼休徵祁祁髦士厥德允升懷想
成位咸奔在宮無思不若允觀厥崇

述

魏受命述

邯鄲淳

臣聞雅頌作於盛德典謨興於茂功德盛功茂
傳序弗忘是故竹帛以載之金石以聲之垂諸

來世萬載彌光陛下以聖德應期龍飛在位其
有天下也恭已以受天子之籍無爲而四海順
風若乃天地顯應休徵祥瑞以表聖德者不可
勝載鑠乎煥顯真神明之所以祚命世之令主
也凡自能言之類莫不謳嘆於野執筆之徒咸
竭文思獻詩上頌臣抱疾伏蓐作書一篇欲謂
之頌則不能雍容盛懿列伸玄妙欲謂之賦又
不能敷演洪烈光揚緝熙故思竭愚稱受命述
曰

伊上天闡載自民主肇建歷聽風聲陶唐爲盛

虞夏受終殷周革命有禪而帝有代而王禪代
雖殊小大繇同於是漢歷在魏亦運歸黃也
是故大魏之業皇耀震霆肅清宇內萬邦有截
帥義翼漢奉禮不越旅力戮心茂亮洪烈樹深
根以厚基播醇澤以釀味含光而弗輝戢翼而
弗發將俟聖嗣是遂是達聖嗣承統爰宣重光
陳錫裕下民悅無疆三神宣釐四靈順方元龜
介玉應龍粹黃若玄魏德據茲以昌尔乃鳴玉
陟壇三摺以俟既受休命龍旋鳳峙煌煌厥輝
穆穆容止臨下有赫允也天子旣受帝位納璽

要級太常司燎升炮告類珪璋峨峨髦士棣棣
蹌蹌聖躬御策以莅巍巍乎崇功顯顯乎德容
信帝位之壯業天休之所鍾也于時天地交和
日月光精氣稔不作風塵弭清凡在壇場之位
舉目乎廣庭莫不君臣和德咸玉色而金聲屢
省萬幾謀訪老成治詠儒墨策納公卿昧旦孜
孜夕惕乾乾務在諧萬國叙彝倫而折不若懷
遠人混六合之風納乎仁壽之門刑錯靡試偃
伯靡軍然後乃勒功代嶽升中上玄斯固我皇
之大摹思心之所存也

贊

焦君贊

蔡邕

猗歟焦君常此玄墨衡門之下栖遲偃息泌之
洋洋樂以忘食鶴鳴九臯音亮帝側迺徵迺用
將受來職昊天不吊賢人遘慝不惟一志并此
四國如何穹蒼不詔斯或惜哉朝廷喪茲舊德
恨以學士將何法則

尼父贊

張超

巖巖孔聖異代稱傑景合乾坤明參日月

正考父贊

王粲

恂恂正父應德孔盛身為國卿族則公姓年在
耆耄三葉聞政誰能不怠申茲約敬饘粥予口
偃僂受命名書金鼎祚及後聖

銘

高祖沛泗水亭碑銘

班固

皇皇聖漢兆自沛豐乾降著符精感赤龍承甗

一作甗
又作累

流裔襲唐末風寸木尺土無埃斯亭建

號宣基維以沛公揚威斬蛇金精摧傷涉關陵

郊係獲秦王應

作鴻

門造勢斗壁納忠天期乘

祚受爵漢中勒陳東征剗擒三秦靈神威佑洪

溝是乘漢軍改歌楚衆易心誅項討羽諸夏以

康陳張畫策蕭勃翼終出爵褒賢列土封功炎

火之德彌光以明源清流潔本盛末榮

一作長

叙

將十八贊述股肱休勛顯祚永永無疆國寧家

安我君是升根生葉茂舊邑是象於皇舊亭苗

嗣是承天之福祐万年是興

十八侯銘

兢兢相國弘策不追御國維綱秉統樞機文昌

四友漢有蕭何序功第一受封于鬱

鬱侯蕭何第一

欽欽將軍威蓋不當操盾干鈞拔主項堂漢興
破楚矯矯忠良卒爲丞相帝室以康

將軍舞陽侯樊噲第二

赫赫將軍受兵黃石規圖勝負不出帷幄命惠
瞻仰安全正朔國師是封光榮舊宅

將軍留侯張良第三

懿懿太尉醇厚朴誠輔翼受命應節御營歷位
卿相土國兼并見危致命社稷以寧

太尉絳侯周勃第四

蹇蹇相國允忠克誠臨危處險安而匡傾興代

之際濟主立名身履國土秉御乾楨

將軍平陽侯曹參第五

洋洋丞相勢譎師旅擾攘楚魏爲漢謀主六奇
解厄揚名于後

丞相戶牖侯陳平第六

堂堂張敖耳之遺萌以誠佐國序跡建忠功成
德立襲封南宮垂號万春一作暮永保無疆

南宮侯張敖第七

衍衍衛尉德行循規遭兵食骸隕歿於齊橫耻
愧景刎頸自獻金紫褒表万世不刊

衛尉曲陽侯酈商第八

煌煌將軍輔漢久長威震呂氏姦惡不揚寇震
殄盡躬迎代王功顯帝室萬世益章

將軍潁陽侯灌嬰第九

斌斌將軍鷹武是揚內康王室外鎮四方諸夏
又安流及要荒聲騁海內苗嗣紀功

將軍汝陰侯夏侯嬰第十

休休將軍如虎如羆御師勒陳破敵以威靈金
曜楚火流烏飛將命伏節功績永垂

將軍陽陵侯傅寬第十一

斤斤將軍忠信孔雅出身六師十二四旅折衝
扞難遂寧天下金龜章德建號傳後

將軍信武侯靳歙第十二

明明丞相天德庭直剛德正行不枉不曲功業
成著榮顯食邑距呂奉主昭然不惑

丞相安國侯王陵第十三

栢栢將軍輔主克征奉使元璧身出涉作項營序
功差德履讓以平轉北而遊雲中以傾逝作遊

將軍襄平侯韓信第十四

巖巖將軍帶武佩威御雄乘險難困不違仇滅

主定四海是栢功成食土德被遐邇

將軍棘津侯陳武第十五

晏晏曲成輿從龍騰安危從主赤一作曜以升

赫赫皇皇道彌光明惟德御國流及後萌騰一作勝

曲成侯蟲達第十六

肅肅御史以武以文相趙距呂志安君身徵詣
行所如意不全天秩邑土勛乃永存

御史大夫汾陰侯周昌第十七

邑邑將軍育養丞丞徒建謀正直行不匡邪入軍
討敵項定天都佩雀雙印百里為家匡一作匿

將軍青陽侯王吸第十八

車銘

馮衍

乘車必護輪治國必愛民車無輪安處國無民
誰與

車左銘

傅毅

虞氏作車取象機衡君子建左元天之陽正位
受綏車不內願塵不出軌鸞以節步彼言不疾
彼指不躬立覽于道永思厥中

車右銘

擇御卜右採德用良詢納耆老于我是匡惟賢

是師惟道是式箴闕旅賁內顧自勅匪望其度
匪愆其則越戒敦約禮以華國

車後銘

敬其在路體貌思恭望衡顧轂允慎茲容無或
好失音逸匪盤于遊顧省厥遺虎尾斯求昭德塞
違抑盈以無雖有三晉咸然若虛

仲山父鼎銘

鼎耳革其行塞雉膏不食方雨虧悔終吉有福
足勝其任公餗乃珍於高思危在滿戒溢可以
永年天之大理

樽銘

惟歲之元朝賀奉樽金壘犧象嘉禮具存獻酬
交錯万罔咸歡

襪銘

機衡建子万物含滋黃鍾育化以養元基長履
長福至于億年皇靈既祐祉祿來臻本枝百世
子子孫孫

孟津銘

李尤

洋洋河水赴宗于海經自中州龍圖所在黃函
白神赤符以信昔在周武集會孟津魚入王舟

乃往克殷

井銘

井之所向寒泉冽清法律取象不槩自平多取
不損少汲不盈執憲若斯何有邪傾

小車銘

圓蓋象天方軫則地輪法陰陽動不相離

漏刻銘

昔在先聖配天垂則仰釐七曜俯空坤德乃建
日官俾立漏刻昏明既序景曜不忒唐命羲和
敬授人時懸象著明序以崇熙季末不虔德衰

于茲挈壺失職刺流在詩

警枕銘

蔡邕

應龍蟠雲蟄潛德保靈制器象物示有形哲人
降鑒居安聞傾

樽銘

酒以成禮弗愆以淫德將無醉過則荒沉盈而
不冲古人所箴尚鑒茲器茂勗厥心

延賓鍾銘

王粲

有魏匡國成功允章格于上下光于四方休徵
時序人悅時康造茲衡鍾有命自皇三以紀之

六以平之厥量孔嘉厥齊孔時音聲和協人德
同熙聽之無斁用以啓期

古文苑卷第六



溫州府

